

### Fræðslu- og samráðsfundur náms- og starfsráðgjafa

Fræðslumiðstöð atvinnulífsins býður til fræðslu- og samráðsfundar náms- og starfsráðgjafa símenntunarmiðstöðva 31.okt. – 1. nóv. n.k. Á fundinum verða m.a. kynntar niðurstöður úr þjónustukönnun sem fram fór í maí meðal ráðþega; fjallað verður um nemendur í brotthvarfshættu og hvernig megi vinna með þeim til að sporna gegn brotthvarfi; ýmis verkefni hjá símenntunarmiðstöðvum verða kynnt og Hrönn Grímsdóttir, náms- og starfsráðgjafi hjá Austurbrú, verður með námskeið um jákvæða sálfræði þar sem fjallað verður m.a. um gildi, lífsstíl, markmið, virkni, hugarfar og sjálfstraust. Hugmyndin er að ráðgjafar geti nýtt sér efnið í vinnu með einstaklingum.

Fundurinn verður haldinn hjá Austurbrú, Tjarnarbraut 39, Egilsstöðum. Skráning hjá [gigja@frae.is](mailto:gigja@frae.is)

### Næstaskref.is

Upplýsinga- og ráðgjafarvefurinn [Næstaskref.is](http://Nestaskref.is) hefur fengið ágætar viðtökur. Óvænt úrlausnarefni hafa þó hægt ögn á áframhaldandi þróun en nú sér loks til lands í þeim efnum. Þriðja útgáfa vefjarins er komin í loftið þar sem búið er að sníða af ýmsa tæknilega agnúa og hægt að horfa bjartsýnum augum fram á veginn. Á næstu mánuðum er von á fleiri starfs- og námslýsingum, aukin áhersla verður á náms- og starfsráðgjöf auk þess sem námsleiðum framhaldsfræðslunnar verður gert hærra undir höfði. Þá eru í pípunum fleiri verkfæri á borð við áhugakönnunina sem nú þegar er aðgengileg á vefnum.

### VISKA fréttir

VISKA (Visible Skills of Adults) er Erasmus KA 3 stefnumótunarverkefni sem Fræðslumiðstöð atvinnulífsins og IDAN-fræðslusetur stýra héraendis fyrir hönd Mennta- og menningarmálaráðuneytisins, sjá grein í [Gátt](#). Í verkefninu er unnið að þróun raunfærnimats sem er ætlað að mæta þörfum innflytjenda. Fundur samstarfsaðila allra landanna var haldinn hér á landi í september og þar var m.a. farið yfir þau tæki og tól sem unnin hafa verið á vegum FA og munu verða prófuð í tilraunaverkefnum allra landanna. Þann 17. október verður haldið námskeið hjá FA fyrir þá náms- og starfsráðgjafa og aðra fagaðila sem koma að tilraunaverkefninu. IDAN-fræðslusetur hefur umsjón með framkvæmd tilraunahlutans og verður fyrsti kynningarfundur fyrir væntanlega þátttakendur haldinn 9. október. Stefnt er að því að ná til 50 innflytjenda hér á landi í verkefninu.

### Þjónustukönnun meðal notenda

Þjónustukönnun um mat ráðþega á náms- og starfsráðgjöf framhaldsfræðslunnar var send til notenda í maí 2018. Svör bárust frá 550 manns en það er um 24% svarhlutfall, sem er algengt í slíkri könnun. Þeir sem svöruðu voru almennt ánægðir með ráðgjöfina, en 90% svarenda voru ánægðir eða mjög ánægðir með ráðgjöfina sem þau fengu. 86,7% töldu ráðgjöfina hafa nýst vel eða mjög vel og 88,5% töldu sig hafa fengið gagnlegar upplýsingar í ráðgjöfinni.

### Heimsóknir til fræðsluaðila

Gígja og Fjola verða á ferð og flugi í nóvember og ætla að eiga samtál um náms- og starfsráðgjöf við starfsfólk símenntunarmiðstöðva. Markmiðið er að heimsækja fjóra samstarfsaðila á þessum vetri.

Arnheiður Gígja Guðmundsdóttir [gigja@frae.is](mailto:gigja@frae.is)

Fjola María Lárusdóttir [fjola@frae.is](mailto:fjola@frae.is)

Arnar Þorsteinsson [arnar@frae.is](mailto:arnar@frae.is)

Steinunn Júlíusdóttir [steinunn@frae.is](mailto:steinunn@frae.is)